

Mr. Goswino Oduber a duna di conoce

Musiconan local no ta yega mucho lihe na oficina di propiedad intelectual

E kier encurasha nan pa proteha nan productu

ORANJESTAD (AAN) – Aruba, pa chikito cu e ta, tin hopi hende talentoso y riba tur tereno. Esaki kiernen cu hopi di nos hendenan ta crea obranan propio, pero no tur ta haci uso di Oficina di Propiedad Intelectual pa registra nan creacion, y asina ta proteha den caso di hortamento di idea of di plagia mes. Den entrevista cu DIARIO a tene cu mr. Goswino Oduber, director di Oficina di Propiedad Intelectual, el a duna nos un relato bastante amplio y sumamente interesante tocante ki

momento un persona ta viola e derechonan di autor y kico esun afecta por haci.

“Mi tin cu bisa cu riba e tereno literario hopi hende ta conciente cu nan mester busca e proteccion necesario y nan ta bin na buro pa registra. Pero riba e tereno musical nos no ta hayando e reaccion cu semper nos a purba di haya, pa motibo pa den nos concepto e musico ta pensa un tiki mas cu ohala un dia nan por tuma un cantica di dje, hacie internacional, aunke esaki por na momento cu e ta registra tambe”, mr. Oduber a menciona.

El a agrega cu si un persona ta tuma un cantica di un autor local y e kier pa e zona na nivel internacional, si e tin e proteccion di registro di autor tambe e por goza di dje y por laga su cantica zona pafo di Aruba tambe. E registracion ta solamente un prueba mas cu e cantica ta di e autor.

“Pero e musiconan no ta yega akinan hopi lihe, aunke cu poco poco e ta creciendo. Riba e tereno di patente, practicamente tur persona cu a inventa algo na Aruba a yega na nos oficina, si no ta pa busca informacion ta pa registracion mes, y por ta

esaki ta un estorbo chikito na momento cu nan ta registra na Aruba y e ta conta pa nos pais so”, mr. Oduber a menciona y a agrega cu e mercado Arubiano ta hopi chikito pa un invento, y nan ta scoge pa registra den paisnan grandi unda e chens pa nan horta bo idea ta mas grandi.

“Pero tog mi kier alerta na cada inventor cu registracion na Aruba no ta nada malo pa e mes, pasobra unda e ta biba tambe e tin proteccion. Y naturalmente ta interesante pa cada inventor registra den paisnan grandi unda e riesgo ta mas grandi. Mi por hasta bisa cu na momento cu nan kier registra na un pais manera Merca, e costonan di haci un investigacion internacional ta mas abao pasobra nos ta haci nos investigacion na Hulanda of Europa cu ta un tiki mas caro. Pero esun cu kier haci un search na Merca (un biah tobo ta hacie) por registra na e diferente paisnan”, mr.



Oduber a subraya.

El a señala tambe cu e registracion aki mester sosode prome cu e persona publica e invento, pasobra na momento cu e sali afo cu e invento caba e no por registre mas. Pues, e mester ta inedito.

E motibo di e investigacion ta pa mira si no tabata tin un hende cu a bin prome cu un creacion cu ta hopi cerca di esun di bo.

“Mi tin cu bisa hasta cu un obra por haya proteccion incluso si tin un invento caba existente, pero locual bo a bin cune ta pa mehora esun cu ta existi. Pasobra cu cada mehoracion di e tecnica existente tambe por bin na remarca pa haya proteccion”, mr. Oduber a remarca.

MOURIK CARIBBEAN N.V.

Mourik Caribbean N.V. is onderdeel van de Nederlandse Mourik Groep met meer dan 2000 personeelsleden wereldwijd. Op Aruba is Mourik voornamelijk werkzaam in de petro-chemische industrie. Mourik Aruba is een No-Nonsense organisatie met een prettig arbeidsklimaat.

Voor Mourik Caribbean N.V. zijn wij op zoek naar een pro-actieve

Financial Controller

Naast een afgeronde HEAO opleiding dienen kandidaten te beschikken over:

- Kennis van Arubaanse (belasting) wetgeving
- Bekendheid met de kwaliteitssystemen ISO en OSHAS
- Goede mondelinge - en schriftelijke uitdrukingsvaardigheden in het Nederlands, Engels, Papiamentu en Spaans

Voorts dienen kandidaten voldoende ervaring te hebben met de volgende software pakketten:

- Exact Globe Enterprise
- Payroll Pro
- Commence
- Microsoft office

Kandidaten met automatiseringskennis hebben een pré

Naast verantwoordelijkheid voor de algehele financiële administratie en periodieke rapportages is de Financial Controller tevens verantwoordelijk voor:

- Personeelszaken
- Projectbewaking
- Algemene zaken

Tenslotte dient de kandidaat de open gespreks en discussie partner van de General Manager te zijn.

Staat u open voor een nieuwe uitdaging? Stuur of e-mail dan uw sollicitatiebrief met curriculum vitae zo spoedig mogelijk naar:

Mourik Caribbean N.V.
t.a.v. de heer John Meijer
Lagoweg 36
San Nicolas
e-mail: jpmeyjer@mourik.com

TELEFONNAN DI DIARIO
582-6747- FAX 582-8551

Special



Bo ta buscando un miembro nobo pa bo famia? Si ta asina, ARA tin cachonan bunita, den bon condicion y sterilisa caba en busca di un hogar nobo. Si abo por ofrece un di cachonan bunita aki un hogar y famia nobo, por favor tuma contacto cu nos na 588 7709 of 594 5393.